

鈴

山

堂

集

鈴山堂集卷第二目錄

詩

雪霽登鈴山

登郡城南樓見仰山遲遊侶

覽遊大仰山宿東谿方丈

仰山置酒

大仰寺

仰山尋鄭谷書堂

謁古廟

出仰山

過長陂

阻雨不得登蟠龍

途中晴

山塘

蒙山石門梁孟敬先生隱處

仰天岡

泛舟

鈴閣對雨

鍾山遊眺

鈴閣秋集

登宜春臺

東溪晴泛

江臯

郊行

洞靈觀

東堂新成

賜告

晨起

春日

讀易

感迷

有喜致醉

春曉歌

夜譙歌

乙亥年雪

霰

伐園中木

雨後南池

夏日閒居

對雨

秋夕間居對雨

郊園

觀雨作

齋中讀書

望鈴山

觀馮式竇禹鈞事述詠

月夕黎君見尋

中丞劉公盧洲宴集

仁館聞雨

宿鴈洲

登高值雨留山舍

集劉大別業

喜友人至

中秋陳大叅分司同楊太僕宴

秋夕東堂同傅館長兄宿

鈐閣同劉子集咏

應和見尋

將赴京作

將赴京登郡城春臺作

登春臺貽錢別駕

對雪贈客

答符子

鈴山堂集卷第二

詩前集

驚沙孫偉

升菴楊慎評點

雪霽登鈴山

千峰積瑤素寰宇映空明
仙人好赤脚獨躡層冰行
登石疑瓊島高樓思玉京
勁風仍振木朗月已輝城
永夜山中宿山泉松澗鳴

卷二句句欲活神奕飛越

登郡城南樓見仰山遲遊侶

樓壓春城迴山連曉霧寒
身高百林上興逸一峰端

盤踞開雄鎮，登臨鉅觀所。歡猶未至，惆悵凭欄干。
覽遊大仰山宿東谿方丈

夙駕踰城廓，決策戒行遊。良朋欣屢集，積潦況初收。
鳴鳥盈芳甸，嘉樹蔽層丘。覽籍眷名蹟，茲焉獲所求。
披榛陟危磴，拂石漱寒流。暝投東谿宿，密竹僧廬幽。
松嶺露微月，蒼蒼烟露浮。

城中望靈山，縹緲隔雲霧。沿迴至山麓，山形始呈露。

大仰摩青穹，鳥道不可度。卻仙與木平，俱峰名隱若森。

拱護嵐烟迷，近遠明靄變。朝暮伊余猿鶴姿，探賞愜
幽懷。巖巒紛合沓，一步屢回顧。徘徊青蓮宇，延佇古

松路緣葛或褰崖飛泉亦當戶永念區中人疇能息
塵務

仰山置酒

春遊入古寺息駕在山阿不飲杯中物其如山色何
泉聲間鐘磬草色上烟蘿向夕嵐霏起諸峯猿嘯多

附錄

屬辭景山遊情

口外介溪往往如是

大仰寺

株林勝境隔人寰古樹高花隱石闕流水聲中一犬
吠白雲深處數僧閒龍潭路黑烟常覆螭首碑荒字
已斑明月驢車入城去却從塵裏望山間

仰山尋鄭谷書堂

遺墟那復辯巖石但蒼莽遐想嘉遯年雲霞結真想
餘輝賁草木秀句在穹壤泠泠韶濩音千秋寧絕響

謁古廟二首

緣迴數里道盤互百重山攀林興不極沿流趣自閒
雲度肩輿裏花明叢竹間神宮藏閭寂龍井鎖潺湲
時見林中侶相攜採蕨還

茲山饒靈異古廟極巍崇下有千尺潭深黑蟠蛟龍
與雲雨曠歲闔境歌神功神功旣莫測民祀當無窮

出仰山

逶迤遵石磴，悵望別雲松。老僧不出戶，齋閣自鳴鐘。
鐘聲在山間，客子出山去。細雨濕春衣，新寒入高樹。
此中風景斷塵凡，回看翠壑鎖烟嵐。劉郎不記來時
路，千樹桃花隔水南。

陽曰：典故，酒
西堤謂合作

過長陂

長陂鳥鳴初日暄，遊子度嶺窮攀援。行尋歇馬

廟名

訪新廟，望近蟠龍。

村名

識古村春深，尚喜林花盛。雨

後忽驚溪水渾，野老相邀具雞黍。解鞍時復過柴門。

陽曰

語意渾然

又在工巧之上

阻雨不得登蟠龍

溪上風雨來颼颼。篴竹亂油雲。霧層峰對面。隔霄漢。
鳥道紆百盤。龍門在天半。佳期恨緬邈。寒望增婁斷。
下馬憇林居。一顧屢長嘆。自無飛仙術。安得凌絕觀。
山半有龍門關

途中晴

山遊苦奔峭。會意樂有餘。大仰尋真隱。蟠龍迴我車。
濕雲收絕壁。高柳媚清渠。陂岸生新水。期來坐釣魚。
山塘

山塘深且廣。邈迤抱山麓。隔浦見人家。依依桑柘綠。
一落烟水寒。遶塘飛屬玉。謂白鴨也。勝之景開澹之趣。天然自見。不待洗鍊。

六句詩惟唐韋應物劉
文房最佳此得其三昧

蒙山石門梁孟敬先生隱處

東蒙擅奇秀萬仞削蒼壁陰崖闕浮雲陽谷曜初日
遙思石門叟長歌倚巖室歲遠跡已陳春草綠如積

情屬不
淺亦不能辭

仰天岡

石磴盤秋蘿危亭出峰樹行人上山道望望雲飛處
洞口晚鐘聲林僧獨歸去

泛舟

泛舟無俗情水送復山迎江色迷朝靄松陰轉午晴

穩依危石纜深傍綠蕪行吾已忘機事沙鷗莫漫驚

鈴閣對雨

白霧湧巖扉迴颺吹客衣萬松鳴雨急孤閣到人稀
眺迴迷前浦憑高失翠微惜春今已晚虛負採山薇

鍾山遊眺

可憐春岸飛鷗鳥又見春山長薜蘿峰勢插江路
小峽門橫石水聲多平沙覓句看雲立極浦迴舟載
酒過見說此溪多釣伴月明來聽扣舷歌鐘山在
寶境可愛

鈴閣秋集

鈴岡高樓足大觀况逢晴日倚欄干竹林啼鳥關

事石磴松風生畫寒病身自喜逢秋健攜手聊尋盡
日歡萬事浮生空役役擬從山客借蒲團

登宜春臺

沙清江練繞城迴霜淨花枝拂檻開山閣畫閒宜對
酒病身秋盡始登臺瀟湘木落聞猿嘯彭蠡雲長見
鴈來郡僻漁樵堪卜隱時危戎馬轉興哀

東溪晴泛

鍾峽出秀浦碧潭無限清日浮江色動舟蹴浪花輕
非不能意只是自然
盤石思垂釣滄浪愛濯纓沿洄意未極川暝月華明

江臯

晨溜崩湊雨風松淅瀝濤遠峰晴木暗清夏暑雲高
同節菖蒲近觀農稼穡分微吟未歸去落日照江皋

郊行

沙路平如掌郊行吟望餘山圍四野碧河抱一村斜

國朝金保杜

松徑入僧寺草屋見漁家春風幾日到村園桃李花

洞靈觀

玉女已仙去仙丘尚此中龍吟山洞雨鶴舞石壇風
異代流傳久浮生夢覺同還尋煉丹處雲水夕陽空

東堂新成

樹乘陰關沼漁數椽聊此卜幽居諸峰稍識嵐霏

外三逕新鋤灌莽餘窮巷頗迴高士轍藜牀時讀書
人書欲因蘿薜辭簪弁慙愧承恩在玉除
無端世路遶羊腸偶以疎慵得自藏種竹旋添駟轡
逕買山聊起讀書堂開窓古木蕭蕭籟隱几寒沙寂
寂香莫笑野人生計少濯纓隨處有滄浪

賜告

春去復秋至愁多與病連屏居臣分淺賜告聖恩偏
闕望長迴首巖棲不記年時聞起桴鼓未暇枕書眠
晨起

枕畔聞啼鳥覺來春思閒行藥過石壁倚檻望雲山

館閣繆通籍林園深閉關殷勤謝知舊頻遣惜朱顏
春日

春日宜春睡夢醒時羈然處身無遠略憂世但長年
池濕青莎雨鶯啼綠柳烟近知理俗事學種南山田
讀易

徑轉頻移柳齋荒自補茅過從無俗客迂僻少深交
先雨鸛鳴垓知風鵲構巢行藏吾已任莫問易中文
感述

結茅楚水楓林下擁膝長吟任此身一官繫籍逢冬
病數口攜家食舊貧谿圃秋深菊容淡石田春暖藥

斷新時危獻納思無術
悵望中原傷戰塵

有喜致醉

日語機度詳看愈好

三十年過方有子却論情事集悲歡
總叨先德宜昌後每爲身愁欲廢官
琴書他日期堪付堂構茲丘幸苟完
庭中翠竹紅葵色乘醉邀賓秉燭看

春曉歌

雞喈喈鼓逢逢晨陽熹春霧濛攬衣啓戶候晴色
山頭雲興轉深黑花潭柳嶼空復期躡屣攜壺難自得
瓦溝急雨鳴徹宵征人在途泥沒腰忽憶此時京國
侶策馬披氈趁早朝

夜讌歌

瑤酒清蕙肴盈錦鐙瑤席張四楹華歌妙舞百伎呈
夜行遊兮悅明星奉君王觴前致誠上天垂休惠我
明黃河之水今再澄天雞鳴海鳥升願君舉觴且留
情樂哉時平方太平

張曰聲響全是占樂府而情緒婉約更感人

乙亥年雪

燕京雪花大如手寒洹江南未嘗有近來江南雪亦
如燕京前年豫章東抵鄱湖水照武爭傳耳共駭故
老創見心猶驚今年大雪連三日陌上深踰二三尺
葭管春回氣轉寒柴門暮掃朝仍積朝飛暮積無足

時四野濃雲一色垂，共道城中愁桂玉。虛從江畔覓
花枝，陰陽自古皆常度。物候今看却殊故，瞽史何由
訊咎徵。病夫默坐憂時事，陽曰直欲以野朴之辭相
勝感時傷事之體只須如是

霰

野霰朝仍集，山雲凍不收。家貧念藜藿，寒至想衣裘。
戎馬多征檄，江波有釣舟。短歌成獨醉，聊得坐消憂。

伐園中木

松柏儲棟梁，棗栗充豆籩。樗榆竟何益，歷歷蕃中園。
葉大苦蒙翳，材枉空攀轡。能令地脉耗，亦使陽和偏。

呼童礪斤斧爨燎供炊煙去莠植嘉穀斬茅秀蘭荃
栽培與傾覆在理固宜然不材世所棄剪伐何足憐

雨後南池

鳴雨夜不止春波漫綠塘細浪搖孤嶼廣岸映迴牆
乍宜添水檻還能受野航蒲荷紛擢秀槐柳儼成行
虛疑泛瀛島深擬對濠梁臨流興不極日暮歌滄浪

夏日閒居

卜築遠闌市虛堂近高林池塘新雨過夏木綠以陰
初日照前牖唧唧語鳴禽聽之頗怡悅足慰靜者心

對雨

蒼苔起前壑白雨映中林曲池通爽氣高館足秋陰
四句似真把帙引眠思焚香清道心庭邊有老樹蕭瑟伴閒吟

秋夕閒居對雨

一雨洗炎囂高齋坐寂寥繁聲傍竹近寒色映空遙
頗襲圖書潤還霑枕席飄興幽忘盥櫛巷僻謝招要
蘭曉光逾碧荷秋葉互凋未須揮短箠涼意晚蕭蕭

四句似真

通

篇淨陸

郊園

柴扉在深木無人晝不開山園修竹罍泉鳴亂石間
倚杖翫蒼翠臨風聽潺湲一瓢掛高樹日暮灌花還

自然道實境

非強作者韻度

觀雨作

東峰雨色遶前溪
野樹江船望欲迷
卷幔忽驚山霧入
近村長聽水禽啼
清憐松菊長茅屋
深愛湍流滿稻畦
故人門巷隔車轍
多病青尊不可攜

齋中讀書

題目

宜應俗屬對語

柳逕柴門關向東
竹垣高樹引清風
林中送客行常遠
屋裏看山興不窮
唯須藥物供身病
且愛間閭屬歲豐
世事浮雲那足問
此生拚老釣魚叢

望鈴山

郭東草堂無俗器畫屏靜對青岩弄暮燈隔樹影明
滅霜鍾吼空聲振搖蓮秀虛疑太華出桂幽實愛小
山招爲貪鶴背思千里擬接虹梯問九霄

觀馮式寶禹鈞事述詠

還妾當年不計貲一商陰德世難之狀元已報神人
送鄰里來談夢兆奇

定數難移豈信然但修人事可回天寶郎夢得先靈
告三紀延年五桂傳

月夕黎君見尋

蘭舟遠汎故情懽柳邇相邀月色寒貧居市近能呼

酒傾性人逢不整冠黃花醉可簪烏帽水檻閒宜弄
釣竿不是同心念幽獨碧山那得共君看

中丞劉公廬洲宴集公子與子姻也

東郭築堂好中丞載酒來盃長燒燭坐門正逐江開
瓊樹欣相倚霜威許見陪還知綠野醉真勝習池回
江館聞雨

江迥風連屋庭喧雨到牀寒聲雜松竹遠勢動瀟湘
暮燕翻應濕林花落盡香問奇那有酒春棹易相將

得日有
風有韻

宿鴈洲

山登極巔屹
水亭荷芰開
雲松傍應憐
鴈洲宿絕
登高值雨留山舍

未遂觀竒願
來過靜者居
涉溪雲逐馬
下榻雨鳴除
公子攜松醞
鄉人饋鯉魚
山寒春漏永
莫遣綠尊虛
集劉大別業

別業春山裏
松筠開翠微
文觴坐群客
此會昔應稀
澗雨桐花濕
樓晴燕子飛
主情殊未已
乘醉出荆扉
喜友人至

下馬柴門日
已曛燈前悲
喜話同群
空江歲晚無來

金山集 卷二 客遠道情深獨見君瓦甕細傾山郭酒藜牀閒臥石
堂雲莫言古調祇自愛且誦新篇慰我聞

中秋陳大參分司同楊太僕宴

涼夕逢秋半仙盃坐漏長未須延桂魄卿月在薇堂

潤麗
有此者

秋夕東堂同傅館長兄宿

紙窓銀燭雨聲前草屋寒栖共老仙不覺對牀中夜
語青綾仍似玉堂年

鈴閣同劉子集咏

樹引肩輿入山當對酒吟泉流一壑經雲度數峰隱

茲地塵境絕逢君坐語深誰言簪綬考同有薜蘿心
應和見尋

逶遲松桂林之子能相尋遠道驚長別幽期感素心
楚臺臨月迴章水渡烟深何物酬佳興風牕彈玉琴
將赴京作

七看梅發楚江濱多難空餘一病身闕下簡書催物
役鏡中癯貌愧冠紳非才豈合仍求仕薄祿深悲不
逮親此日滄波理征棹回瞻松柏自沾巾

回感
拾曲折

將赴京登郡城春臺作

浮生奔走徧塵埃重對鄉山病眼開北望幾回仍赴

關南還今日始登臺
玄江晴抱星辰下
燕鴈寒衝霧雨來
攀磴俯林堪極目
抽毫作賦歎非才

登春臺貽錢別駕

府公地主催科劇
高閣看山引興來
三峽波濤深送酒
萬峯嵐翠迥登臺
黃花似與秋期約
塵世難逢笑口開
遺德古來韓廟在
爲尋荒碣斲蒼苔

對雪贈客

江南素無此大雪
一夜覆地忽三尺
平明走覓江上村
不辨東阡與西陌
眼看世界入混茫
蔽野垂天同一色
訪舊虛迴剡曲舟
閉門正臥袁安宅
山中古樹

已開梅甕裏新醪未潑醅祇應吟倚湖邊棹何用歌
斟帳下盃

答符子

新題十幅寄鈴岡白鴈西飛雲路長因憶對牀孤燭
夜一簾松月照山堂

鈴山堂集卷第二

鈴山堂集卷第三目錄

詩

仰山酬贈韓劉二子

贈西泉子

酬別劉梅國兄

夏日江亭贈客

奉答符少參先生見賀生男之什

奉酬空同先生垂訪見語

鈴閣贈傅侍御兄

答友人

次韻田水南兄見訪

贈陳大叅

鶴泉堂贈別

送曹侍御歸朝歌

酬別張侍御

送顧使君華玉赴全州

贈相命顏生

別友人

雪後鈴山寄友

寄陸太史

酬鴈洲寄

寄謝子

思友人

江行寄朝望

早春郊園寄友

劉子久有登遊衡嶽之興書來訊予京行答贈

林丘者劉子書屋名也

鈴閣登詠

黎侍御新亭

吳偉畫

山水畫

張氏林亭

觀王陽明書石刻

廬陵謁忠節祠

入白芒坡

苦竹山

板坡鋪

野泊

宿山寺

昌峽

下浦

夜宿報恩寺

水南寺諸君子餞予京行即席賦

暮到防里

楊樹嶺

早發鴈洲途中作

促縮

宿大樸司年陳玉夫宅玉夫待予東

至廬陵

夕次藤橋還寄城中同好

過周文襄公墓下

過劉子燿墓

船發信州新兩江張運使公

嚴陵祠

魏塘獨宿寄陶員外良佐

夜行吳江

如松江訪陸太史先申寄贈

棠溪宴集贈侯使君

丁使君泛舟宴餞

松江龍華寺留別

金山

揚州別舍弟

晚次寶應湖阻雨憶舍弟

清河阻風

鈴山堂集卷第三

詩前集

鷺沙孫偉

升菴楊慎評點

仰山酬贈韓劉二子

迢遞窮山裏君能枉見尋松門駐雙騎
蘿逕鳴孤琴衣上雲嵐色林中經梵音
應悲市朝客誰到白雲深

贈西泉子

到君衡門下修竹兩三竿高已遠人俗
貧能慰母懽邀予進草飯夕語坐蒲團
真與時相棄泉巾獨自冠

酬別劉梅國兄

故人千里別何意到空林觀榜曾隨驥遺詩比贈金
青天尋蜀道夜雪度山陰明發巴陵渚烟波愁我心
夏日江亭贈客

江喧過雨時綠樹搖南颺歸客乘流下扁舟向我辭
臺臨春望迴山繞旅行遲無限蘼蕪草因君寄所思

風韻
逼古調

奉答符少叅先生見賀生男之什

今日啓茅宇把酒對花枝門見孤懸日堂開履滿時
主人洗愁病野客同襟期家事區區爾能勞長者知

二

剥啄驚敲戶，緘題重越疆。
將雛新曲妙，遺鯉故情長。
兒子嗤豚犬，瓊瑤借寵光。
夜闌還擊節，轉益病夫狂。
奉酬空同先生垂訪見貽

病來渾與故人疎，珍重能勞長者車。
地僻柴門堪繫馬，家貧蕉葉可供書。
鶯花對酒三春暮，風雅聞音百代餘。
長願飲河心自足，却慚和郢曲難如。

鈴閣贈傅侍御兄

素琴遠抱有餘情，草閣孤峯眼共明。
黃菊幾逢詞客病，綠尊今對故人清。
留君小作山中宿，念我虛題榜

下名信有膏肓在泉石十年從宦竟無成

情生自好

山遊處處見山情極目秋空萬里明石磴屢緣心未
倦松亭小坐思尤清林中久負幽人約壁上新題過
客名自是登高能賦手看君四韻已俱成

答友人

一官廁朝籍出入承明墀十年卧林巷恍若與時違
當時同升侶往往列金緋吾豈薄榮利貧病恒相羈
清晨開明鏡了了見鬢眉自非食肉相藏拙安所宜
次韻田水南兄見訪

諸公天上多臺省此客江邊祗草堂
駟馬看花空昨

夢把書牽犢笑年光興高肯復維孤舫身病仍滯
十觴麋鹿故應耽野性鳳麟端合瑞文章

謂田也

贈陳大叅

江頭畫舫繫殘年江上梅花明遠天園林客到已搖
落溪谷鳥飛多變遷山村日落豺虎亂郵渚雲深鴻
鴈偏寄謝紫薇賢獄伯折衝千里在尊前

鶴泉堂贈別

朝出兮江滸送子兮延佇山泠泠兮多風霧冥冥兮
霏雨野闊寂兮無人子獨歸兮何所庭有鶴兮壑有
泉我欲與子兮期周旋日踟躕兮耳潺湲嘯傲于此

忘其年子不來兮心煩寃

圖目着語婉
盡神情點然

送曹侍御歸朝歌

豫章城頭班馬鳴六師夜洗章江兵江亭走餞盛冠
蓋繡衣御史趨承明奉使三年勞遍歷臨戎六月詔
專征露剡才聞馳捷奏天書遍及荷褒榮高堂老人
今白首門倚秋風知望久靈鵲朝喧舍北林青驄晚
繫籬前柳橐中金幣帝所錫起舞稱觴為親壽親壽
君恩日共新南山北闕慶千春願將忠孝酬今代早
見功名勝古人

酬別張侍御

春風曾駐木蘭舟，使節直看萬里遊。
海傳孟詩興滿滄洲，天寒江縣城空閉。
秋旱山田未收多，病有懷談莫盡送。
君分首重淹留。

送顧俠君華王赴全州

吳客孤帆楚水涯，碧雲千里度長沙。
湘山獨夜看明月，莫聽猿聲易憶家。

贈相命顏生

掃榻雲林白晝眠，行藏於我固悠然。
元無芥澤輕肥念，不向唐生更問年。

別友人

此夜孤燈共草堂明朝雙屐度清湘亦知心跡無南北未道相違是兩鄉

雪後鈴山寄友

江上日日吹北風茅屋擁被卧如弓楚鄉物色是燕北晴雪樓臺似畫中病骨總緣詩思瘦屏居長與歲年窮囊裏貂帽憶京國珮馬朝天過苑東

寄陸太史

客舍燕臺對雪眠別來心跡兩茫然青山有地淹貧病白日無情換歲年驚馬極知難附驥玉堂真嘆遠瞻天新詩海內流傳遍憑寄楓林水石邊

酬鴈洲見寄

南山有松松有蘿昔日結交今謂何但使同吟白雲
嶠何須獨上金鑾坡

何處雲山足馬歸暮雲相望兩依依憑君慰我尺素
寄日日江樓有鴈飛

北風吹雪滿汀洲欲折梅花不自由無限離情渺難
寄題詩更上一層樓

詩曰寄思不等閑韻調自別三
詩盡得唐人三昧而機鋒則自

出也

寄謝子

謝公江海士鍛羽在空林高卧不出戶閒堂春草深

積霖注南國馳波渺夕陰相望一水隔方舟不可尋

陽曰似孟
襄陽

思友人

衡嶽無來鴈江潭有蟄龍愁邊波浪濶夢覺雲山重
定識相逢語未知同病容因思遺遠道何處採芙蓉

陽曰出入騷選
玄之又玄者

江行寄朝望

挂席愛滄茫江天足晚涼望移城塔遠歌入浦雲長
起鶴橫烟嶼飛鷗趁野航勞君致美酒蓬裏自銜觴

昔人謂好詩如彈丸此
八句近之傳世何必在多

早春郊園寄友

東郊柳色遠依依，忽憶佳人候竹扉。
園中白竹剡曲雪深回夜棹，
杜陵花發典春衣。閒思步屨尋芳草，醉愛携壺上翠微。
中白竹不是賞心緣節物，頻年離索故交稀。

劉子久有登遊衡嶽之興，書來訊予京行答贈。
林丘者，劉子書屋名也。

端居心賞若爲酬，瘦馬螺川感昔遊。
芒屨可能窺嶽麓，青黎元自照林丘。
鳴聲每聽春山鳥，清興空回雪夜舟。
若與故人論出處，閒身仍被白雲留。

鈴閣登詠

石堂巖逕薛蘿封鐘磬遙聞最上峯雲淨芙蓉列遠岫天晴風雨起長松真仙定擬過笙鳳樵客何因識洞龍高閣我來忘幾度每來拄笏坐從容

黎侍御新亭

曲逕看花入幽亭載酒開興高忘主客地勝有池臺
曉暎樹帷合逶迤江練來已方元亮隱松菊遶園栽

二

城居厭煩燠來此灑塵紛江月夜深到野禽松上聞
逕幽憐草色谷密想蘭薰百里滄波棹佳期一訪

吳偉書

郭熙之死誰復同湖湘小仙今代雄慣將健筆寫
素江山平遠稱尤工洞庭瀟湘渺何許積水長天迷
處所沙邊老樹總呼風波上輕雲初散雨短棹扁舟
競往還垂綸者翁意愈閒晴窓展玩心眼亂興在滄
洲千里間

山水畫

長松拂雲生畫寒沙上草閣俯江湍幽人竟日少塵
事白鳥青天到倚闌

張氏林亭

十載重來笑語親水亭山閣幾增新輞川自卜王維

宅錦里誰分杜老隣
歲課園丁收芋栗
日招溪叟坐松筠
却笑阮郎知此路
碧桃花裏重迷津

觀王陽明書石刻

作宰廬陵縣陽明稱古風
起廢葺宮宇節用恤瘼恫
刻辭詔後來庀石當庭中
已嘆仁言博兼憐書蹟工
來遊非在日懷覽意何窮

廬陵謁忠節祠

兩間王氣此諸公
萬古香名祀一宮
人代綱常元未墜
侯邦章典故應崇
冠裳列宿輝光動
朝世滄桑運劫空
二百里來瞻廟貌
不堪庭木起秋風

歐陽文忠修周文忠必大胡忠簡銓楊忠襄萬
里楊文節邦乂文忠烈天祥李忠文時勉劉忠
愍球

入白芒朱陂

岸岸溪流急山山篁竹多盤迴遵石徑迢遞度松坡
深嶺皆宜木高田亦種禾喚鳩梅雨暗飛燕麥天和
池卜晴蛙語村防夜虎過稍看民樂土還苦吏催科
世事關愉戚生涯學醉歌清溪足魴鯉吾欲買漁箋

苦竹山

苦竹山高晝景遲木陰蔥蒨動南颺草間鳴雉忽飛

起傲兀籃輿度嶺時

板陂鋪

到處雲山是舊逢
幾家茅屋數株松
郵亭下馬午時
飯隴上輟耕談老農

野泊

野外蕭條燈火稀
空江孤艇暫相依
年荒觸目俱堪
駭隔岸燎原驅虎歸

宿山寺

野寺入林辟江城
擊柝重艱逢世事
愁寂任浮踪
煩暑蚊喧壁微明
馬度松踟躕獨不寐
兀坐聽樓鐘

昌峽

霽曉渡昌峽蒼山烟霧開中流萬石關隔水一舟來
祠古還依嶂林幽忽放梅故鄉知信美臨眺轉徘徊

下浦

是選句
古市江船集平橋野店開沙中辨遠樹雲裏望層臺
茲郡饒奇勝吾生歎去來明興陟丹壑秋日淨浮埃

夜宿報恩寺

落日解裝投上方還尋老衲借繩牀春寒自酌山城
酒夜靜猶聞竹院香危坐萬緣心境淨不眠孤枕漏
聲長因搜短句了清景人事詰朝酬應忙

水南寺諸君子餞予京行即席賦

莎岸松門溪寺幽日高烟霧隱林丘城居出郭應難
數旅適逢春可自由青嶂白雲晴入座落英飛絮遠
隨舟誰能去國忘羈思謾引離尊惜勸酬

墓到防里

林飈生暮寒溪石渡清湍烟火高門近風霜古木殘
升堂列酒饌叙舊集悲歡愛此銀燈爛離顏惜共看

楊樹嶺

楊嶺際曉來肩輿度深寂崖高日色薄篁華風淅淅
清冷涉幽澗華嶺緣絕壁環顧間無人山禽自囁嚅

新泥松樹下往往見虎跡行侶時噉呼銅鉗鳴未息
緬予鴻雪踪夷險備所歷翻慚一身安坐惜衆夫力

早發鴈洲途中作

螺川竭遊訪鴈洲復躊躇夜投林下宿曉發霜中車
回道過谷口青楓寒正踈哀鴻噉廣澤猛虎臨路衢
所歷多險艱悰抱未可舒寄言同心侶何用獨離居

促縮

促縮復促縮暮投主人宿荒垣對空池落葉響敗屋
拈盃當炊麩爇薪代秉燭如聞旁舍言野寇或宵伏
世慮嬰我懷默坐候天旭

寫出旅况質而不俚

宿大櫟同年陳玉夫宅玉夫時往江東

故人何所之門館閉芳池解名登共歲多病別經時
獨買金陵棹遙憐瓊樹枝山牕今夜月空照客相思

至廬陵

訪劉子也

青螺白鷺入我夢河上松間騎馬來問俗初經永叔
里吟詩真憶長卿才衣冠古郡高風在車馬寒城短
日催今夜故人桑落酒不知懷抱若爲開

夕次藤橋還寄城中同好

惜別忘前路暝色過藤橋問向誰家宿村燈隔水遙
弊裘風正急客思酒初消謾聽空堂雨對牀非昨宵

新
斷自然

過周文襄公墓下

尚書舊里說山前松柏陰陰有墓田何止鄉邦崇盛

烈吳人碑碣更林然

山前周氏里居吳中諸郡皆有文襄祠

南圻治賦閱星霜功在朝廷未可忘中秘儲才得公

等貽謀端合拜文皇

文廟選進士二十八人入閣讀書公乞與乃增爲二十九人

過劉子燠墓

欲贈徐君劍挂向龍頭枝隴水自東逝我悲君不知

船發信州新雨江漲還寄曹使君

乘溜放船去空江迷霧雲岸回青草色波動白鷗群

郡旱初聞雨途窮忽見君應知三日禱天爲答憂動

二

已失玉溪雨還望靈山雲川陽夕明滅巖樹春氣氤
狎藻鳧相屬摩霄鶴不群鼓枻已宵逝攬袂轉思君

嚴陵祠

嚴陵七里灘疊嶂俯澄灣雲物澹堪賞風標邈未攀
龍飛初白水魚釣但春山千歲見孤廟蒼蒼烟霧間
魏塘獨宿寄陶員外良伯

泊舟魏塘渚蕭蕭菰葉風剪燭紅藥亂浮杯綠蜩空
暝吟依雪鷺遐想接烟鴻還將此時興書寄海雲東

夜行吳江

官船新穩官河平
籠燭牽桅中夜行
菰蒲野水不知處
明發說到闔閭城

如松江訪陸太史先申寄贈

孤岸雨聲急
松門烟浪深
沿洄趣易愜
懷望思難任
雲物中夏賞
湖天孤嶼吟
曖曖沙中樹
悠悠波上禽
臨溪聽黃鳥
拂石理瑤琴
總多山水興
兼慰別離心

崇溪宴集贈使君

佳遊歷松郡
雅集過崇溪
碧篠臨池淨
垂藤入徑迷
林香花代發
庭曙鳥先啼
畫省班嘗接
滄洲影獨栖

行春人吏慙聽雨客懷悽野沃饒杭稻時平撤鼓鼙
文叨下客會尊喜使君携稍學泉上釣言留竹下題
興幽忘去棹烟景在林西

丁使君泛舟宴餞

異鄉逢子得同遊祖帳邀賓設餞留錦席移尊遙出
浦綠陰牽舸漫隨流殘花悵望迷幽嶼淥水逶迤接
遠洲爲約別時須醕酏前程莫遣有離憂

松江龍華寺留別

野寺行送客東津潮滿時傍花吟駐棹掃石坐傳卮
細雨晨鐘濕輕雲午閣移欲別還留語重來未有期

二

石橋僧院古松門人跡稀樹涼風浙瀝江暝雨霏微
夏木欣聞鳥春山憶采薇應記京遊者緇塵滿素衣

金山

寺擁金山古江流碧海深千年此形勝詞客幾登臨
波浪浮香閣魚龍聽梵音晨風渡舟楫真有濟川心

揚州別舍弟

作伴來吳越那堪此地分還同廣陵月獨向楚山雲
客路頻加飯文場早策勲要寬千里念時遣尺書聞
晚次寶應湖阻雨憶舍弟

金山集卷第三
廣陵舟裏連金枕寶應湖邊隔雨風人世百年誰骨
肉天涯此路復西東中宵憶爾心俱折逆旅無人信
莫通身跡半生成底事祇餘泥雪歎飛鴻

清河阻風

淮浦清河三日住北風高浪可憐生魚龍遠水深疑
聞星斗中天迥覺明永夜鄉山頻入夢誰家船笛更
飛聲微名顧我堪慚歎六月携家萬里行